

II.

Unde opinor, successionis legitimæ dignitas, satis elucescit. Digna n. & illustris materia non injuria censeretur potest ea, quæ tot illustrium virorum commentariis dignata invenitur. Et quamvis multa in laudem ejus dici possent, lubentes tamen manum hic retrahimus, & sufficit de ea hæc paucula præmonuisse, quod & aliquo modo à nobis requiri omninò censuimus, duplici potissimùm de causa: 1. ne illotis, (ut dicitur) manibus protinus rem tractare voluisse, videri possimus, quod ipse Gajus minus decorum esse judicat in *l. 2. ff. de O. I. 2.* Cum prætationes istiusmodi libentius nos, *monente Gajo ibid.* ad lectionem propositæ materiæ perducant. Facere hoc volumus breviter, cum multò utilius sit, pauca idonea effundere, quam multis inutilibus homines prægravare, *l. 2. §. sed & si 16. in fin. C. de vet. jur. enucl.*

III.

Rem itaque nunc ipsam accedendo propius, primò vocabulum S U C C E D E R E, multifariam accipi posse monemus; de cujus significato egit *Förster. de succ. ab intestat. lib. 1. c. 1. Ferd. Vasquius in præfat. lib. 1. de succ. creat. progr. & resol. n. 5. ac seqq. Hottom. in comment. verb. jur. in verb. successio.* Nos ita hanc vocem impræsentiarum accipimus, ut successionem in jus & bona defuncti, per eam denotemus; sive *Succedere* nobis idem est, quod *Acquirere hereditatem*.

*Etymologia vocab.*

IV.

Definimus Successionem cum *Först. lib. 1. de succ. ab intest. c. 2.* quod sit Jus *arg. l. 3. §. 3. in fi. ff. de her. inst. acquirendæ hereditatis, vel bonorum possessionis, Jure civili, vel prætorio inductum.* Aliter, & cum *Ulp. ex l. 3. ff. de bon. poss. describere* eam possimus, quod sit Universitatis acquisitio, per quam in Jus demortui succeditur, accipiturque ejus rei commodum & incommodum.

*Definitio Successio.*

V.

Hereditatis cum fecerimus mentionem, uti & bonorum possess.

*Hereditas*